

Come let us unite from a ready heart

D. Emlyn Jones, 1843-1913

Glanceri
SM

Cyfunwn oll o galon rwydd
I foli'r Arglwydd tirion
Am drugareddau'r flwyddyn hon
A'i ryfedd, gyson roddion.

Boed ein heneidiau oll ar dân
I seinio cân soniarus
O fawl i enw'r sanctaidd Iôr
Am ddoniau mor haelionus.

O Arglwydd, dyro inni ras
I'th ffyddlon wasanaethu,
A thrwy dy roddion hael o hyd
I'th hyfryd ogoneddu.

Rho archwaeth i'n heneidiau drud
At bethau'r byd ysbrydol,
A gwna ni'n gymwys drwy dy ras,
Bawb oll, i'th deyrnas nefol.

Thomas Rees